

中華民國五十八年九月初版

# 中華史地名著叢刊

易知摘要類編

精裝：三冊  
定價：新台幣八百元

版權所有

編者：富俊

發行人：李振華

出版者：文海出版社  
臺北縣永和鎮中興街99巷8號

郵政劃撥戶第二七八四號  
電話：九二一二六五九號

印刷者：美明美術印刷廠

臺北市康定路二〇二號

經銷者：全省各大書局

內政部登記證內版台業字第〇八〇〇號

## 序

今 總統蔣公，抗反共之旌，思其道莫切於文化，故倡樂育，張國文，教學者以讀四子書，明中國歷史輿地凡所以救弊起衰之道，聖謨洋洋，切當於人心，於是天下慨然，有文藝復興之望，門人張百成之來臺灣，一書未携，久之乃購得易知錄摘要類編一書，作者爲清嘉慶間出入將相之富文誠公，刊者同治間其孫某也。書分十二卷，爲類三十悉鈔自吳氏綱鑑易知錄其曰統系國都者，明史之綱領也，曰帝王儲后者，一姓所系以興衰也，曰祀典尊禮者，帝王所有事也，曰典故者，事要而不顯屬於爲政諸間者也，曰官制至河道七類者，皆爲政之巨者也，曰治體政令者，制御全局之大綱也，曰忠良至節義三類者，立身之本也，曰諫諍者，治國安危之要圖也，曰卓識控馭二者，越人之才也，曰軍旅者，權家之要也，曰蠻夷至推測四者，華夷之分，三天人之際也，曰奸佞官寺者，懸炯戒以示後人

也，曰史評者，則歷引古人之言以別白其得失也，今學者所治之通史，輒踈而不精，爲政者又無簡要之書，以資其考察，雖有志於吾國之文化，而其道無由，是書約而能精，讀之一兩月可畢，原序所謂涵養身心之故，綜核得失之林者，已備盡而無遺，雖古今代禪，時事不同，然執爲政之大原，以御科學之萬有，技術雖日變，而吾所以治國化民之道，如日月之經天，江河之行地，固歷久而踰新，或謂帝王諸門，與今日民主不同，然果行以堯舜禹益之心，則何共和之不可，又謂所列諸政術，與今日五權有異，然果各敬其職，各效其能，則又何法之不行，舉全書而觀之，其於民主權民生，烏有一語之不相涉哉，故爲政者深嗜之，則其無益窮，淺嘗之，亦各有所得，雖謂爲反共之樞紐，文化之前超，亦奚不可矣，末特附以奸佞宦寺，則大易有曰開國承家，小人勿用，其用意深遠，尤不可幾也。

中華史地名著叢刊

# 易知摘要類編

富  
續編

文海出版社  
印行

同治甲戌春月鑄



易知摘要類編

紹衣堂藏板

序

讀史之家悉以綱  
目爲宗謂祖春秋  
大義垂萬世法戒  
也旨深帙繁驟難

貫通而識求其明  
且簡者惟易知錄  
稱最余不學嗜古  
以便於攜帶藏之  
篋中每當夏晝雪

夜藉以却暑消寒  
視飲冰引酌尤快  
焉苦資鈍健忘讀  
至會意處強記終  
不逮因隨時驅筆



墨爲佐謬自摘要  
分誌於簡各以類  
從已未四月奉

命都護輪臺公冗無暇  
未及鑒古旋於是

秋得

旨參贊徠甯四夷向化  
久安頗爲政簡誦  
書尙論涵養身心  
之故綜核得失之

林舍史無他及矣  
閱數歲錄十二卷  
爰命胥繕清名曰  
易知摘要類編至  
文義之割裂遺漏

字畫之魯魚亥豕  
不無貽笑方家尙  
有待於就正以補  
醯雞之見云爾是  
爲序嘉慶丁卯仲

夏崧巖富俊



後序

史之有鑑。所以明古人之得失爲後人之法戒也。龍門作史記。歷朝紀載。因之卷帙浩繁。難於卒業。自涑水司馬氏作資治通鑑。朱子修綱目。發明大義。體例綦嚴。厥後集覽節要。質實等編。代有述者。至山陰吳氏輯綱鑑易知錄一書。自盤古訖有明彙集羣言折衷。一是其書簡明精當。可爲考古之資。然而繫月編年。仍循舊例。觀覽雖便。至舉一事而循源竟委。尙有待於披求也。崇監掣河東得侍

觀察竹珊公時於講求澁務之餘。論及史鑑。因出

尊祖文誠相國手輯易知錄摘要類編藏稿見示。崇敬受而讀

之編分三十類每類摘記歷代事實以資考證一經展卷瞭如指掌洵爲讀史津梁然讀

相國之自敘至有會於心數語知

相國之爲是書也實欲後之人學有心得知人論世涇渭攸分酌古準今權衡悉當豈以分門別類考核見長云爾哉竊思相國德業事功昭垂史冊出入將相洞悉本原良由胸有史鏡故動與古大臣相伯仲焉觀於此編之遺而後知

公之取法古人恪遵祖訓者有由來矣此編付梓崇與戈君泝侯王君杏洲同司校字

公復命序於崇自維愚昧未能少窺津涯而心折神傾殊

不覺言之不能以自己也昔蘇文忠公欲學者每讀書皆作數過盡之每次作一意求之真讀書法也業是編者畧去數過之煩循序而盡精之用力寡而程功多三復文忠之旨庶可以識

相國之用心矣乎

同治十三年歲次甲戌孟夏上浣河東監掣同知高崇基謹跋



